

UGOVOR

o nabavci usluga održavanja vozila

zaključen između:

1. **Državne regulatorne agencije za radijacijsku i nuklearnu sigurnost**, Sarajevo, Dubrovačka 6, ID broj: 4201357350000 koju zastupa direktor Marinko Zeljko, (u daljem tekstu: Ugovorni organ) sa jedne strane, i
2. **Saradis d.o.o.**, Donji Hotonj bb, Vogošća, ID broj: 4200066250001, koju zastupa direktor Adis Efendić (u daljem tekstu: Dobavljač).

Član 1.

Predmet ovog Ugovora je nabavka usluge održavanja i servisiranja vozila Državne regulatorne agencije za radijacijsku i nuklearnu sigurnost.

Član 2.

Ugovorni organ naručuje predmetnu uslugu, a Dobavljač prihvata da vrši usluge iz člana 1. ovog Ugovora, a na osnovu provedenog konkurentskog postupka javne nabavke. Mjesto isporuke usluge je servis Dobavljača.

Član 3.

Ugovorni organ je dužan plaćati Dobavljaču naknadu za servisiranje – održavanje vozila u skladu sa ponudom nakon provedene E-aukcije (1321-7-2-10/20).

Ugovorene cijene usluga su fiksne i serviser ih neće mijenjati ni pod kojim uslovima u toku važenja ovog Ugovora.

Cijena materijala, dijelova i usluga koji nisu navedeni u ponudi bit će prihvaćeni nakon dostavljene ponude po cijenama iz važećeg cjenovnika a na osnovu izdate narudžbenice od strane Ugovornog organa,

Ugovorni organ i Dobavljač su saglasni da Ugovor realizuju prema već definisanim uslovima prema tenderskoj dokumentaciji i u skladu sa cijenom nakon provedene E-aukcije (1321-7-2-10/20).

Član 4.

Ugovorni organ zadržava pravo potpune ili djelimične realizacije nabavke, a u skladu sa Zakonom o javnim nabavkama Bosne i Hercegovine.

Član 5.

U obim usluga iz člana 1. ovog Ugovora podrazumijevaju se sljedeće usluge po prihvaćenim cijenama sa uračunatim poreskim obavezama:

(prema obrazcu za cijenu ponude i prihvaćenoj ponudi).

Član 6.

Dobavljač se obavezuje da će sukcesivno isporučivati uslugu Ugovornom organu, na osnovu ovjerene narudžbenice.

Ovim ugovorom dužan je da osigura fleksibilno radno vrijeme i mogućnost kontakta u toku 24 sata i da Ugovorni organ svrsta u „prioritete prilikom pružanja usluga koje su predmet nabavke.

Član 7.

Dobavljač se obavezuje da uslugu fakturiše u ugovorenim rokovima, na osnovu otpremnih dokumenata (radnog naloga) potvrđenog od strane Ugovornog organa.

Član 8.

Dobavljač se obavezuje da će predmetnu nabavku, izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene nabavke.

Član 9.

Dobavljaču se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, najmanje šest mjeseci po zaključenju Ugovora.

Član 10.

Dobavljač se obavezuje na uslove i način plaćanja u roku od 30 (trideset) dana od momenta dostave fakture.

Član 11.

Ponuda Dobavljača na temelju koje je sačinjen ovaj Ugovor, čini sastavni dio istog, a vrijednost ovog Ugovora iznosi 3200,00 KM bez PDV-a.

Član 12.

U slučaju kašnjenja u izvršenju usluga do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Član 13.

Ovaj Ugovor se zaključuje na određeno vrijeme za period od 12 (dvanaest) mjeseci, odnosno do raspisivanja i odabira novog dobavljača izabranog od strane Komisije za javne nabavke Agencije.

Ukoliko, u naknadno ostavljenom roku od strane Ugovornog organa, Dobavljač ne postupi po eventualnim primjedbama na kvalitet izvršene usluge, Ugovorni organ ima pravo na djelimičan ili potpun raskid Ugovora pismenom izjavom da raskida Ugovor.

Raskid Ugovora stupa na snagu danom dostave pismene izjave Dobavljaču.

U slučaju raskida Ugovora iz stava (2) ovog člana Ugovorni organ ima pravo na naknadu stvarne štete i izmakle dobiti.

Član 14.

Sve eventualno nastale sporove pri realizaciji ovog Ugovora, Ugovorne strane će rješavati sporazumnim putem, u protivnom, ugovara se nadležnost Opštinskog suda u Sarajevu.

Član 15.

Svaka od Ugovornih strana može otkazati ovaj Ugovor pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

Član 16.

Za sve što nije regulisano ovim Ugovorom, primjenjivaće se odredbe Zakona o obligacionim odnosima.

Član 17.

Ovaj Ugovor stupa na snagu danom potpisivanja obje Ugovorne strane.

Član 18.


Ovaj Ugovor je sačinjen u 4 (četiri) istovjetnih primjeraka, od čega svaka Ugovorna strana zadržava po 2 (dva) primjerka .

**Državna regulatorna agencija za
radijacijsku i nuklearnu sigurnost**

**Direktor
Marinko Zetjko**

Broj: 04-16-15-760/20

Datum : 10.07.2020.



Saradis d.o.o.

**Direktor
Adis Efeđić**

Broj: 70790/2020

Datum : 14.07.2020

